

中国边疆研究资料文库·边疆史地文献初编

東北邊疆

第一輯

中国边疆研究资料文库·边疆史地文献初编

東北邊疆

第一輯

推舉邊道疏

題爲遼陽久缺道臣謹破常例就近推舉賢能以
重衝邊以應急著事自長定之役遼陽兵備革
任聽勘二月間吏部推補原任叅政田立家以
降調而驟起邊道倘肯感

君恩重

君命不俟駕而趨十五日聞報五日治裝二十日急
馳赴任不出四十日早可到邊而今距

命下時已七十日矣尚不見有起身消息臣不意封

投遞郵局

卷三

疆如此緊急而乃延緩一至於此卽此一節已無愛

國奉公之誠決非他日治遼善品臣方欲具章而督撫就近推諉之獨至矣臣惟遼東各道地方村屯殘破殆盡間有一二了遺者虜旣不屑搶掠我亦不肯收拾大都坐保孤城爲悠悠待盡之計以若所爲邊道亦何難之有惟遼陽村屯蕃聚爲全遼軍馬錢糧芻粟器用所自出之地西虜無日不垂涎而東虜介在撫順清河寬奠

鎮江一帶又復割其腹心而據之使兵備得其人則守住見在之遼陽猶可救已壞之全鎮不得其人則西虜動而西疆之村屯變爲各道之村屯東虜動而東疆之城堡折爲建州之城堡遼陽去而遼之全鎮亦去矣故善爲遼鎮計者當以遼陽爲根本善爲遼陽計者當以得人爲緊要以臣論之其爲遼陽做事也不徒貴有所馳過人之才而貴任勞任怨有一段真切肝腸以爲之主苟其肝腸不如此而其才適足爲躲

按述蹟稿

卷五

猾之具其爲遼陽禦虜也不徒在於虛恢疆場之氣而在不吐不茹有一副操縱手段以爲之用苟其手段不如此而其氣適足爲挑禍之階卽有其肝腸矣又有其手段矣而兵乃專門之學苟於本兵政務邊關險易虜情緩急將領賢否士馬強弱平日不能練習曉暢而欲學割於一時恐亦不能當機應變而收速安攘之利也臣嘗服先臣高拱議儲邊方督撫兵備之臣當自兵部司屬始爲不易之論竊見兵部職方司

郎中見推江西叅政徐鑾爲人明敏通練急公
不顧私任事不避難而又心思入細機用合宜
每與臣商確建會事體緩急疾徐操縱尤爲得
法若以本官改推遼陽兵備

命下旬餘日便可星馳赴任管事以方畧預定之人
就請盡素熟之地而應門庭緊急之事肯撫所
謂就近推補之便恐更無便於此者矣日今奴
曾雖退張其哈喇佃子不過一山峽度我所必
不能有者以嘗我緩我及諭以橫江舊鴉鵲關

地方却佯然不理。比見援兵在遼，驚疑愈甚。日
惟擺撥糧車以待，而西虜數萬騎屯聚遼瀋，墻
外犯搶，只在刻下。臣雖不敢以東方之事自遜，
日在修城，提整買馬，治械積芻，輓粟椎牛饗士，
調度諸將吏，爲戰守備。顧自度終未如虜衆何，
畧事海蓋道，副使聞鳴泰力疾來遼，收保防禦。
雖有兼人之才，而當遼海兩衝之虜，又新平東
山礦寇擒其渠魁三十餘人，散其餘黨萬餘人，
聞其衆尚欲嘯聚，不免有顧此失彼之懼。望一

的當之人早來遼陽計議行事真是以日爲歲
臣非不知推用官員係吏部職掌御史不該坐
名

題補只緣事情萬分急迫度其地度其人又度其
時勢似非徐鑒不足以辦此不得不破例以舉
之所謂苟有利專之可也臣不敢以封疆之重
而避侵官越職之嫌伏惟

皇上勅下吏部酌用施行遼陽幸甚全鎮幸甚緣係
遼陽久缺道臣謹破常例就近推舉賢能以重

穆通疏

卷五

八

銜迺以應急着事理未敢擅便爲此具本專差
承差張可觀親齎謹題請

旨

萬曆三十八年四月初七日

奉

聖旨已有旨了吏部知道該兵部覆奉

聖旨是徐鑾准留用王興已奉旨着催他上緊赴任
不得推延吏部知道

常平倉積穀疏

題爲積儲關係窮邊大命謹設立常平倉括緩買穀恭報完數以備查考併懇

勅議以爲經久便民之計事竊照遼左僻處關外三面隣虜一面隣海僅通山海一線之路與腹裏通邑大都有無相通者不同歲豐則遼東之粟不輸於外其價易賤而傷農歲凶則外境之粟不通於遼其價易貴而傷民以此豐年粒米狼戾曾不重惜而一遇凶歉則斗粟值銀六七錢

無從尋覓但彼此相看爲溝中瘠而莫可奈何
臣考便民之法莫有善於常平倉者穀賤則增
價而糴以便農穀貴則減價而糶以便民歛散
以時豐凶俱賴行於遠近更相宜臣正欲議
興舉適去秋金復寧前饑人心洶洶搶盜羣起
馬官兒寨山蒙金三塊等三十餘人招衆打礦
饑民蟻附聚至萬數千人官司莫能制臣與海
蓋道副使閻鳴泰商議饑民所以甘爲礦賊不
悔者由於自己既無以存活而官家又無絲毫

之積知其必不能救我而去之耳今欲解散其
黨惟在汲汲買穀救賑明示百姓以有所恃庶
幾去者猶有還心居者始有定志而是時臣方
以贖銀萬餘兩修築堡臺牆壕又急無見銀可
以發糴因查動定遼前庫餘稅銀四千二百四
十七兩雙山鹽稅銀一千五百兩中江稅銀八
百五十兩海州庫連雲島稅銀五百兩一面先
發各道趁時糴買外自去秋至今臣衙門贖銀
又復積過二萬九兩四錢七分八釐酌量各道

披遼疏稿

卷五

地方寬窄丁口多寡陸續分發分守道銀八千
六兩四錢七分八釐分巡道銀五千兩海蓋道
銀七千兩開原道銀三千五百兩寧前道銀三
千六百兩已於三十七年八等月內節次牌行
各道選委的當衛官分投有收地方加價糴買
間該臣又思得所買糧石欲要寄收軍儲各倉
恐滋混淆不便稽查隨畫圖式牌行各道揀擇
高燥地方買賣處所照圖建立常平倉廩遼陽
廣寧二處係鎮城官民衆多每處改稅監舊衙

門建倉一所計房四十一間右衛潘陽清河錦
州義州右屯金州復州海州蓋州開原鐵嶺寧
遠前屯共一十四處每處止於一衛人民各建
倉一所計房二十七間其應用物料等項銀兩
據分守海蓋開原寧前四道呈稱各於該道庫
貯備賑草價倉報抵順奇銀功支呈請開銷惟
分巡道呈稱庫無舉動銀兩臣又勉括本衙門
贖銀一千七百一十兩報發該道製買建蓋去
後今據帶管分守道事海蓋道副使閻鳴泰呈

振遼疏稿

卷五

三十一

稱遼陽左等五衛原發銀五千一十六兩四錢七分八釐買完蒭林一萬一千七百六十三石八升三合二勺三抄三撮三圭三粟四粒穀一萬七千二百五十二石建倉一所計房四十一間定遼右衛原發銀九百九十兩買完蒭林六千六百石建倉一所計房二十七間瀋陽中衛原發銀一千兩買完蒭林五千石建倉一所計房二十七間清河堡原發銀五百兩買完蒭林三千三百三十三石四斗建倉一所計房二十

七間蒲河所原發銀五百兩買完蜀秫二千五百石寄收軍儲倉內又據分巡道右叅議孫敦化呈稱廣寧等四衛原發銀二千兩買完蜀秫七千五百七十六石建倉一所計房四十一間左中二屯衛原發銀一千兩買完蜀秫四千七百六十二石建倉一所計房二十七間義州後屯二衛原發銀一千兩買完蜀秫四千五百五十八石三十二升一合六勺建倉一所計房二十七間右屯衛原發銀一千兩買完蜀秫三千